

ԱՐՇԱԿ ԲԱՆՅԱՆ

ՄԻՄՈՆ ՎՐԱՑՅԱՆԻ ԽՄԲԱԳՐԱԿԱՆ ԳՈՐԾՈՒՆԵՈՒԹՅՈՒՆԸ

Նշանավոր քաղաքական պետական հասարակական գործիչ Միմոն Վրացյանի խմբագրական-լրագրողական աշխատանքը եղել է նրա բազմաբնույթ գործունեության անբաժանելի օղակը և կարող է պարիպ բերել յուրաքանչյուր մասնագետ լրագրողի, խմբագրի:

Ս. Վրացյանի կյանքի առաջին շրջանից սկսած նրա գործունեության բոլոր դրսևորումներին զուգահեռ ընթացել է լրագրողական, խմբագրական աշխատանքը: Նիմնավոր հայագիտական կրթությունը, ուսումնառությունը ժամանակի Պետերբուրգի առաջադեմ կրթական կենտրոններում, բնածին մրավոր կարողությունը՝ երևույթների մեջ խորամուխ լինելու, հեղափոխությունը անցյալ և ժամանակակից քաղաքական, հասարակական երևույթների հանդեպ, հայրկապես ազդելուն խնդիրներին առնչվող, հեղափոխական կուրակվող կենսափոքր մեծապես նպաստել են նրա լրագրողական, խմբագրական հմտությունների, ունակությունների դրսևորմանը:

1900 թ. Ս. Վրացյանը ընդունվում է Գևորգյան ճեմարան: Շուրջ 10 տարի է անցնում, հիմնադրում է դասարանական, Աշակերտական սիրեր անունով ձեռագիր թերթ: «Գրական-գեղարվեստական, պարմական-բանասիրական-հասարակական, փնտրական և չեմ հիշում ուրիշ ինչական պարբերական էր», - հումորով վերհիշում է Ս. Վրացյանը¹: «Նրա արարակութեան այսպես ասած՝ փոխանակական մասը ես էի վարում, հիմնադիր և պարասխանատու խմբագիր»²:

Նույն ժամանակաշրջանում ես համախմբագրում է, «Ուրանավորարուփ» անվամբ երկրորդ ձեռագիր պարբերականը: Վերջինիս մասին Ս. Վրացյանը գրում է, թե թերթը մրթերով աղքատ էր, հանգերով հարուստ³: Այս կարճ ժամանակահատվածը, որը ճեմարանի աշակերտն անցկացրել է ամռանը Բյուրականում, նշանակալից եղավ նրա համար. «Իմ հայացումը այլևս լրի էր վերջնական և անդարձ»⁴: Ճեմարանում սովորելու տարիներին ես թղթակցել է «Մշակին», Տ. Նազարյանի «Աղբյուրին», «Տարագին»⁵:

1907 թ. Ս. Վրացյանն ավարտում է Գևորգյան ճեմարանը, վերադառնում հայրենի քաղաք՝ Նոր-Նախիջևան: Այստեղ ես գործուն մասնակցություն է ունենում տեղում հրապարակվող «Նոր կյանք» թերթի աշխատանքներին, խմբագրում է այն,

1 Ս. Վրացյան, Կեսանքի ուղիներով. Դեպքեր, դեմքեր, ապրումներ, հ. Ա, Պետրոս, 1967, թ. 82:

2 Անդ:

3 Տե՛ս անդ:

4 Անդ:

5 Տե՛ս «Միմոն Վրացյանի ինքնակենսագրությունը». «Դրօշակ», 2008, թ. 12, էջ 41:

որոշակի գաղափարական ուղղվածություն հաղորդում: Նոր-Նախիջևանից Ս. Վրացյանը թղթակցում է «Մշակին», րեղի հայությանը հուզող հարցերին վերաբերող նյութերով: Այսպես, 1907թ. փետրավրի 8-ին նա ընդարձակ հոդված է ուղարկում «Մշակին»՝ քաղաքի արհեստավորական դպրոցի կրթական կնճռուր խնդիրների վերաբերյալ «Վուկան» սպորագրությամբ⁶: «Նոր կյանքում» նա հանդես էր գալիս Սիգ, Մար-Շիմոն, Մամուրյան, Մորգան եւ այլ կեղծանուններով⁷:

Ս. Վրացյանը ճեմարանն ավարտելուց հետո երազում էր կրթությունը շարունակել, սակայն դա նրան հաջողվում է միայն 1908 թ.: Պերերբուրգում նրա ուսումնառությունը րետում է երկու րարի. սովորում է բարձրագույն մանկավարժական դասընթացներում, նույնքան՝ Պերերբուրգի համալսարանի իրավաբանական ֆակուլտետում: Նախադրություն է ունենում մոտիկից ծանոթանալու, լսելու ժամանակի առաջադեմ գործիչների, մանկավարժների դասախոսությունները, դիտելու ներկայացումներ, մի խոսքով հաղորդակցվելու մայրաքաղաքի հասարակական ու մշակութային, կրթական կյանքի կարեւոր իրադարձություններին: «Պերերբուրգը լրացրեց Էջմիածնի ճեմարանի թերիները, - գրում է հերագայում Ս. Վրացյանը⁸: Ուսանելուն զուգահեռ նա թղթակցում է Թիֆլիսի մամուլին «Ս. Վրացյան» սպորագրությամբ, ինչպես նաեւ Կ. Պոլսի «Ազատամարտին»⁹:

Դաշնակցության դեմ սկսված հալածանքները հարկադրեցին Ս. Վրացյանին թողնել Պերերբուրգը եւ ապաստանել Թուրքիայում: 1910 թ. նրան րեսնում ենք Կարինում, որտեղ դասավանդում է Սանասարյան վարժարանում՝ մանկավարժություն եւ Նոբիսիանյան օրիորդաց դպրոցում՝ Նայոց պարմություն:

Կարինում Ս. Վրացյանը 1910 - 1911 թթ. խմբագրում է «Յառաջ» թերթը: «Իմ գլխավոր զբաղումը Կարինում, -իհարկէ, «Յառաջի» խմբագրութիւնն էր» եւ ապա արտաքին բարեփոխումներից գալ, որ կարարում է խմբագիրը, գլխավորն իհարկէ բովանդակությունն էր, ընդգրկման սահմաններն էին, խնդիրների բազմազանությունը, որ արծարծում էր «Նայրենիք» եւ դրանով իսկ ձեռք բերում հեղինակություն Կարինի հայոց շրջանակներում:

Դաշնակցության առաջադրանքով Ս. Վրացյանը մեկնում է Նյուսիսային Ամերիկա: Այնտեղ նա 1911 թ. դեկտեմբերից մինչեւ 1914 թ. մայիսը խմբագրում է «Նայրենիք» պարբերականը, որը նրա խմբագրությամբ դառնում է երկօրյա¹⁰:

«Նայրենիքը» մշտական կապի մեջ էր երկրի հետ, հարկապես սերտ կապեր ուներ Կարինի հայության հետ: Այդ են վկայում հրապարակի վրա առկա վավերագրերը¹¹: Ս. Վրացյանը միաժամանակ մեկ րարի խմբագրել է Ֆրեզնոյի «Ասպարեզը», աշխարակցել է Կարինի «Յառաջին», «Ազատամարտին»¹²:

6 ՆԱԱ, ֆ.227, ց.1, գ.298, թթ. 1 - 8 (ինքնագիր):

7 Տե՛ս «Միմոն Վրացեանի ինքնակենսագրութիւնը», էջ 41:

8 Ս. Վրացեան, Կեանքի ուղիներով, Կ. Բ, Պէյրուք, 1960, էջ 127:

9 Տե՛ս անդ, էջ 118, «Միմոն Վրացեանի ինքնակենսագրութիւնը», էջ 41:

10 Ս. Վրացեան, Կեանքի ուղիներով, Կ. Բ, էջ 163:

11 Տե՛ս Ս. Վրացեան, Նին թղթեր նոր պարմութեան համար, Բէյրուք, 1962, էջ 17 - 65:

12 Տե՛ս «Միմոն Վրացեանի ինքնակենսագրութիւնը», էջ 41:

1914 թ. Ս. Վրացյանը վերստին գալիս է Կարին: Սակայն թուրքական իշխանությունները նրան շուրջով արտաքսում են իբրև ռուսահպարակի. սկսվել էր Առաջին համաշխարհային պատերազմը և Թուրքիան ու Ռուսաստանը ներգարված էին իբրև հակառակորդ, թշնամի կողմեր:

Թիֆլիս հասնելով Ս. Վրացյանը անմիջապես մխրճվում է հասարակական-քաղաքական կյանքի հորձանույրը: Թղթակցում է տեղի հայկական կուսակցական ինչպես նաև ռուսալեզու մամուլին:

1917 թ. նա նշանակվում է «Նորիզոնի» խմբագիր:

Բնականաբար հայ հասարակության ուշադրությունը կենտրոնացած էր պատերազմական գործողությունների, կամավորական խմբերի գործունեության վրա: Ս. Վրացյանը, որ պատերազմի սկզբում դեմ էր կամավորական շարժմանը, հետագայում ոգեշնչող հոդվածներով խրախուսում էր կամավորական խմբերի երթը պատերազմի դաշտ:

1916 թ. մայիսին Ս. Վրացյանը մասնակցում է Պետրոգրադում կայացած հայ գաղթականներին նվիրված խորհրդակցությանը և՛ իբրև ներկայացուցիչ և՛ իբրև «Նորիզոնի» խմբագիր, պարբերաբար նյութեր տպագրում այդ անարդյունք ավարտված խորհրդակցության նիստերի մասին:

Ս. Վրացյանը «Նորիզոնի» էջերում նյութեր է հրատարակում 1917 թ. ամռանը Պետրեբուրգում տեղի ունեցած միջպլերական խորհրդակցության մասին, որում նա ներկայացնում էր Օգակոմը: «Նորիզոնը» բավականին մանրամասն լուսաբանում է արևելահայերի համագումարի աշխատանքը (1917 թ. սեպտեմբեր - հոկտեմբեր): Ս. Վրացյանը համագումարին մասնակցում էր Դաշնակցության կողմից իբրև քաղաքական մոմենտի գեկուցող և «Նորիզոնի» խմբագիր¹³:

«Նորիզոնի» էջերում տալիս էր արձանագրություններ կերպարանք ստացող հայ-թուրքական հարաբերությունների խնդիրը: Նյութեր էին տպագրվում թուրքերի զինված հարձակումների վերաբերյալ՝ հայ խաղաղ բնակչության, տուն վերադարձող գաղթականների, բանակի զինամթերքի պահեստների և այլ նման բռնությունների մասին: «Որ հայերի կողմից էլ բռնություններ ու կամայականություններ տեղի էին ունենում, այդ իհարկե անհերքելի է»¹⁴: Ս. Վրացյանը իրավացիորեն դա բացատրում էր կոտորածներից փրկված հայ գաղթականների վրիժառությանը: «Ինչ-որ մի մութ ձեռք պատերազմի ու խռովության սերմեր է փորձում ցանել հայ և թուրք ժողովուրդների մեջ... Երբ օդը հագեցած է գազերով, հարկավոր է ծայր աստիճան զգույշ լինել և կայծ չձգել այնտեղ, թե չէ պայթումը անխուսափելի կդառնա»¹⁵: «Նորիզոնի» խմբագիրն անշուշտ հասկանում էր, որ այդ «մութ ձեռքը» Թուրքիան է, որի էմիսարները 1916 - 1918 թթ. Անդրկովկասում վիստում էին, գրգռում թաթարներին Ռուսաստանի դեմ, հայերի դեմ:

1914-1920 թթ. Ս. Վրացյանը գործել է և՛ իբրև խմբագիր և՛ իբրև թղթակից

13 Տե՛ս «Նամահայկական խորհրդակցություններ 1912-1920 թթ.», Երևան, 2004, էջ 166:

14 Ս. Վրացյան, Նախապահի հանրապետության Փարիզ, 1928, էջ 70:

15 «Նորիզոն», 1917, մայիսի 19:

«Հորիզոնին», թղթակցել հայալեզու ու ռուսալեզու պարբերական մամուլին («Հայրենիք»՝ Բոսարոն, «Армянский вестник»՝ Մոսկվա, «Баку»՝ Բաքու, «Молот»՝ Թիֆլիս, «Донская речь»՝ Դոնի Ռոստով):

Հայաստանի հանրապետության անկախության հռչակումից հետո Ս. Վրացյանի լրագրողական խմբագրական գործունեությունը դառնում է ավելի ընդգրկուն եւ նպատակաուղղված. ամեն կերպ նպաստել պետականության ամրապնդմանը, ժողովրդի ֆիզիկական գոյության պաշտպանությանը: 1918 - 1919 թթ. նա Երևանում խմբագրել է «Զանգե պաշտոնաթերթը»: Նույն ժամանակահատվածում, որոշ ընդհատումներով խմբագրել է «Հայաստանի կոօպերացիա» երկշաբաթաթերթը: Երկրի քայքայված վնասվածությունը ուրբի կանգնեցնելու համար հայ գործիչները կարևորում էին կոօպերացիայի դերը եւ փորձում էին կիրառել արևմտական զարգացման այդ եղանակը:

1918 թ. դեկտեմբերի 18-ին Հայաստանի Խորհրդարանը Ս. Վրացյանի նախաձեռնությամբ օրենք է ընդունում հեռագրական գործակալություն սրելովն ու մասին: «Նշենք, որ գործակալության խանձարուրի մոտ հենց սկզբից կանգնած է եղել լրագրողական հարուստ փորձով օժտված, մի քանի թերթերում աշխատած ու հրապարակված, ՀՅԴ կուսակցության նշանավոր գործիչ Սիմոն Վրացյանը, որը վայելել է Հայաստանի խորհրդի մեծ վստահությունը»¹⁶: Գործակալությունը իր գործառույթը պարվով իրականացնում է մինչև օրս:

1919 թ. սեպտեմբերի 20-ից Ս. Վրացյանը Վ. Նավասարդյանի եւ Ա. Չիլինգարյանի հետ խմբագրում է «Յառաջ» ՀՅԴ պաշտոնաթերթը, որը հրապարակվել է մինչև առաջին Հանրապետության գոյության դադարեցումը: Իբրև պաշտոնաթերթ «Յառաջը» ամենայն պարասխանաբարձությամբ էր կապարում իր դերը: Հանրապետության կյանքում տեղի ունեցող բոլոր նշանակալից իրադարձությունները՝ պարլամենտի ու կառավարության նիստերի վերաբերյալ՝ հաղորդագրություններից սկսած, կուսակցական գործիչների ելույթներով, արտաքին հարաբերությունների, ռազմական գործողությունների, բուսաբանական այգու, ձկնաբուծությունների մասին նյութերով վերջացրած: Եւ բոլոր նյութերը ծառայում էին մեկ նպատակի՝ ամրապնդել Հայաստանի պետականությունը:

1920 թ. հոկտեմբեր-նոյեմբեր ամիսներին «Յառաջի» խմբագրությունն առանապես կարևորում է թուրքական ագրեսիային, հայրենիքի պաշտպանությանը նվիրված նյութերը: Այսօր էլ իր հրապարակությունն ու նշանակությունը չի կորցրել Երևանում հաստատված ու գործող վեց քաղաքական կուսակցությունների համապետական ուղերձը միացյալ ուժերով թուրք զավթիչների դեմ պայքարելու հաստատարականության մասին: «Արտաքին թշնամին թող իմանա, հայ ժողովուրդ, որ Անկախության եւ Հայրենիքի նվաճման խնդրում քաղաքականություն չկա հայ քաղաքական կուսակցությունների միջև», - հայտարարում են դիմումի հեղինակները¹⁷:

Հայաստանի Հանրապետության անկումից հետո Ս. Վրացյանի լրագրողա-

16 Նորա Մելիքյան, **Հրայր Զորյան**, Արմեն Պրես - 90, (1918 – 2008), Երևան, 2008, էջ 28:

17 «Յառաջ», 1920, հոկտեմբերի 7:

կան խմբագրական գործունեությունն ընթանում է արտասահմանում: Մակայն նրա գաղափարախոսությունը չի փոխվում. ելակետը մնում է անփոփոխ՝ Նայասարան և հայ ժողովուրդ:

1922 թ. Ս. Վրացյանը հաստատվում է Փարիզում: ՄԻ կարճ ժամանակամիջոց Ա.Ահարոնյանի հետ նա հիմնադրում ու խմբագրում է «Նայասարանի ձայն» շաբաթաթերթը: 1923 - 1928 թթ. նա Ա. Ջամալյանի հետ համախմբագրում է «Դրօշակը»: Ինքը՝ Ս. Վրացյանը այլ թվեր է նշում՝ 1925 - 1933 թթ.¹⁸:

Բեռլին ու բազմաթյուն է եղել Ս. Վրացյանի լրագրողական գրիչը 1922 - 1930 թթ.: Ապրելով Փարիզում նա մասնակցում է 1922 թ. Բոսպոնում «Նայրենիք» ամսագրի հիմնադրմանը, այնուհետև այդ պարբերականի էջերում լույս են տեսնում Ս. Վրացյանի պարմագիրական հոդվածները¹⁹, որոնք հիմք կազմեցին բացառիկ արժեք ունեցող և իր տեսակի մեջ ցարդ միակը հանդիսացող նրա «Նայասարանի Նանրապերությունը» աշխատության և որի առաջին հրատարակությունը տպագրվել է 1928 թ. Փարիզում:

Ս. Վրացյանի խմբագրական, լրագրողական գործունեության մեջ բացառիկ տեղ է զբաղեցնում «ՎԷՄ» պարմամշակութային երկամսյա հանդեսը:

«ՎԷՄ» տպագրվել է Փարիզում 1933 - 1939 թթ., լույս է տեսել 24 համար՝ ԱԻԴ: Հիմնադիր խմբագիր Ս. Վրացյանը պարզում է հրատարակության նպատակը. «Երկու խօսքով մշակույթ և պարմություն»: Այնուհետև նա գրում է. «Ժողովուրդները մշակույթով են ազգ: Առանց զարգացած կենդանի մշակույթի ազգ չկայ»²⁰: Խմբագիրը նույնքան կարևորություն է տալիս պարմական ճշմարտությանը: «ՎԷՄ» հավաքարիմ մնաց իր հոշակած սկզբունքներին: Նա իր էջերը տրամադրում էր իրարամերժ կարծիքներ պարունակող նյութերի:

Հանդեսում հրատարակվող նյութերը դասակարգվել են ըստ թեմաների՝ համապարասխան ենթաբաժիններում, համապարասխան վերնագրերով. «Խմբագրութեան կողմից», «Յօդուածներ», «Հին թողթեր», «Նոր թողթեր», «Անցեալք», «Կեանք և մշակիւթ», «Գիրք և մամուլ», «Գրախօսական», «Նաեկում»:

«ՎԷՄ» էջերում լույս են տեսել նյութեր, հոդվածներ, հաղորդումներ՝ պարմության, գրականության, հայ և օտարազգի գարծիչների, մամուլի, մշակույթի, բաղադրարության և այլ բնագավառների վերաբերյալ, լուսանկարներ և այլն:

Հանդեսի էջերում տպագրվել են Ն. Ադունցը, Ա. Արեղյանը, Հ. Քյուրպյանը, ԲԺ. Վ. Թորգոմյանը, Աբր. Գյուլխանդանյանը, Հ. Սիրունին, Ն. Աղբալյանը, և այլք: Անշուշտ «ՎԷՄ» էջերում ինքնադիպ նյութերով, հոդվածներով հանդես է եկել Ս. Վրացյանը:

Ս. Վրացյանի հրապարակումների շարքում առանձին հերաքրքրություն ունեն ազգի ապագայի, Նայասարան-Սփյուռք փոխհարաբերության, Սփյուռքի ինքնա-

18 «Միմոն Վրացեանի ինքնակենսագրութիւնը», «Դրօշակ», թ.12, էջ 41:

19 «Յուշեր մութիկ անցյալից», «Նայրենիք», 1923, թ.1 - 6 շաբաթականը՝ «Էջեր մութիկ անցեալից», անդ, «Նայրենի թիւր և վիճակը», «Նայրենիք», 1926, թ. 3, «Ինչո՞ւ և ինչպե՞ս խորհրդայնացաւ Նայասարանը», «Նայրենիք», 1940, թ. 2, 1941, թ. 3, 4 և այլն:

20 «ՎԷՄ», 1933, սեպտեմբեր-հոկտեմբեր, էջ 1:

կազմակերպման, ազգային ինքնությունը պահպանելու խնդիրների վերաբերյալ հրապարակումները: Մրաժումներ ազգային ինքնությանն էլ կազմակերպության մասինն հողվածում²¹ Ս. Վրացյանը գրում է, որ քանի դեռ կա սփյուռք ու հայրենիք, եւ քանի որ քաղաքական հանգամանքների բերումով սփյուռքի ու հայրենիքի կապը փոփոխական է, սփյուռքը պետք է ինքնակազմակերպվի ազգային դիմքը պահպանելու համար: Նա խստագույնս դադարադրում է ազգի բաժանումը արևելահայերի ու արևմտահայերի, ինչպես նա դադարադրում էր ամեն պառակարում՝ քաղաքական, կրոնական հողի վրա: Նա առաջարկում է ծրագիր, որ ցարդ չի կորցրել իր հրապարակությունը:

1930-ական թթ. Ս. Վրացյանը շարունակում է գործուն լրագրողական աշխատանք կատարել: 1935 թ. ընթացքում «Հայրենիք» ամսագրի էջերում շարունակաբար տպագրվում են նրա խմբագրած ու ծանոթագրած հանդերձ նյութերը՝ «Դիւան Ն.Յ.Դաշնակցության» ընդհանուր խորագրի ներքո: Դրանք գլխավորապես նամակներ են եւ արժեքավոր տեղեկություններ են պարունակում ոչ միայն կուսակցության, այլեւ թուրքական բռնապետության դեմ հայ ժողովրդի ազատագրական պայքարի վերաբերյալ: Նամակներն ուղղված են «Դրօշակի» խմբագրությանը, բյուրոյին նաեւ ընկեր-կուսակիցներին, շրջանային ժողովներին, Դաշնակցության՝ տարբեր քաղաքների կազմակերպություններին (կոմիտեներին):

Նամակների մեծ մասը գրված են 1895 թ., հատուկներ՝ 1893, 1896 թթ.: Նեղիմակները կուսակցության անվանի գործիչներ են, որ հետագա տարիներին անվարան ծառայեցին, նաեւ իրենց կյանքի գնով, հայ ժողովրդի ազատագրության գործին. Դժոխք-Նրայր, Թաթուլ, Ա. Վռամյան, Ռոստոմ, Ս. Զավարյան, Նովի. Յուսուֆյան, Քր. Միքայելյան, Արմեն Գարո եւ այլք:

Ս. Վրացյանը շարունակում է լրագրողական գործունեությունը 40-ական թթ. եւս: Կուսակցական եւ այլ թերթերում նա հանդես է գալիս հրապարակախոսական հողվածներով, եւ նրա հիմնական ելակետը Հայաստանն ու հայ ժողովուրդն են: Այդ տարիներին նրա հեղինակած հողվածներից առանձնակի ուշադրության է արժանի «Խօսք ընդ ուսուցչի» վերնագրով հողվածը: Այն ուղղված էր Ամենայն Հայոց Կաթողիկոս Գևորգ Զ Չորեքյանին՝ ի պատասխան վերջինիս 1948 թ. Նոր տարվա ուղերձի՝ ուղղված սփյուռքահայությանը: Նոր Նախիջևանում Ս. Վրացյանը աշակերտել է սարկավազ Գևորգ Չորեքյանին: Ժամանակին նամակը հրապարակվեց Սփյուռքի մի շարք թերթերում²², այնքան մեծ էր նրանում արձածված խնդիրների նշանակությունը: Նույնիսկ այն կարևորվել է ԽՍՀՄ համապատասխան մարմինների կողմից եւ ժուսերեն թարգմանությունն ուղարկվել է Մոսկվա²³:

Բնյություն հաստատված Ս. Վրացյանը թեւեւ ծանրաբեռնված էր մանկավարժական, պարմագրական, հուշագրական աշխատանքներով, բայց լրագրողականը մնաց նրա ուշադրության կենտրոնում: 1921-ից հետո պարբերականների թի-

21 «Վեմ», 1933, թ. 3, յունիս-սեպտեմբեր, էջ 1 - 10:

22 Տե՛ս «Հայրենիք», 31.11.1948, «Յուսարեր», 3.12.1948, «Ալիք», 25 - 30.01.1949:

23 Տե՛ս ՆԱԱ, ֆ.326, ց.1, գ.222, թթ. 1 - 10:

վը, որոնց նա աշխարակցել է, հասնում է 10-ի: Պարկերացնելու համար, թե ինչ խնդիրներ է նա արձանդում, ընտրեցինք Բեյրութում լույս տեսնող «Ազդակը»:

Այս թերթին, որ 1965 թ. Դաշնակցության պաշտոնաթերթը դարձավ, Ս. Վրացյանը թղթակցել է 1961 - 1966 թթ. ընթացքում: Կարելի է խմբավորել նրա հրապարակումներն ըստ թեմայի, եւ կարգվի, որ նա շարունակում է հավարարիմ մնալ իր դավանանքին՝ մշտապես կարեւորելով Նայասրանի ու հայ ժողովրդի ճակատագրին, անցյալին, ներկային առնչվող խնդիրները, հայ-թուրք, հայ-ռուս, հայ-խորհրդային իշխանություններ: Շարունակաբար ներկայացնելով հայդուկների կենսագրությունները, Եղեռնի գոհերին, դրանով հայրենասիրական դաս է տալիս ներկա եւ ապագա սերունդներին: «Ազգը կենսունակ է ոչ միայն ողջերով, այլեւ իր մեռելներով»²⁴:

Ուշագրավ, ճշմարտացի գնահատական է տալիս Ս. Վրացյանը Անդրանիկին: Նայրնի է, որ ժողովրդական հերոսը երբեմն արժանացել է աննպաստ գնահատականների: «Եթե ժողովրդական կամ ազգային հերոս բառը որոշ իմաստ ունի, Անդրանիկը եղավ բառիս ամենալայն մարքով ազգային հերոս, որի ճակատը դափնե պսակով զարդարեցին «Նայոց կուսանք» եւ հայ աշուղների փառքը երգեր ձոնեցին նրան»²⁵:

Ս. Վրացյանը յուրահատուկ մեկնաբանություն է տալիս ահաբեկչությանը ընդհանրապես եւ հայկականին մասնավորապես: Մերժելով ահաբեկչությունն իբրեւ քաղաքական պայքարի միջոց, նա գրում է. «Բայց պարամության ընթացքում եղել է անհրաժեշտություն, հզոր զենք՝ սանձահարելու համար չարագործներին եւ բարձրացնելու բռնության ճիրաններում գալարվող, հուսահատ բազմությունների բարոյական կորուվը»²⁶:

«Ազդակում» լույս տեսած՝ Ս. Վրացյանի հրապարակումների շարքում հատուկ նշելի են Արամ Խաչատրյանի Բեյրութում կայացած 1961 թ. մայիսի 12 - 14 համերգներին նվիրված նյութերը. հեղինակը կրկին ու կրկին շեշտում է մշակույթի դերը ժողովուրդների, ազգերի կյանքում: Այդ օրերին կողք կողքի էին միասնական, համերաշխ ամեն դասակարգի հայեր, անհերքաճաճ էր ամեն բաժանում²⁷:

Բազմաբնույթ են Ս. Վրացյանի «Ազդակի» էջերում լույս տեսած նյութերը, նույնպես եւ «Վեմի» եւ մի շարք այլ պարբերականներում հրապարակվածները: Նամոզված ենք, որ նրա խմբագրական-լրագրողական գործունեությունն արժանի է հանգամանալից հերագոսության եւ գնահատության:

24 «Ազդակ», 1966, ապրիլի 23, թ. 42:

25 «Ազդակ», 1964, յունիսի 29, թ. 97:

26 «Ազդակ», 1964, ապրիլի 16, թ. 36:

27 Տե՛ս «Ազդակ», 1961, յունիսի 1, թ. 73: